



ЯВЛЯЮТСЯ И СЛУЖАЮТ  
ПРЕПОДОБНОМУ УЧЕНИКУ  
ИОНЕ И ГЕРМАНУ ПЕЧЕНГСКИМ



ПРЕПОДОБНОМУЧЕНИКИ  
ИОНЯ И ГЕРЯНА  
ПЕЧЕНГСКИЕ

ДЕНЬ ПАМЯТИ

2/15 декабря –  
день мученической кончины в 1589 году

## ТРОПАРЬ,

глас 3:

**М**ужество необоримое дадеся вам, / святїи страдальцы Печенжстїи Ионо и Германе, / житїя ради всехвальнаго, / вы бо, верность Христу Богу до смерти сохранивше, / мучение лютое претерпели есте. / Темже, венцы нетленные стяжавше, / молитесь о нас прилежно, // да сподобимся оправдания в страшный День Судный.

## КОНДАКЪ,

глас 6:

**К**то возможет изрещи подвиги и страдания ваша, / святїи преподобномученицы Печенжстїи Ионо и Германе? / В терпении вашем стяжали есте души ваша, / яко вернии раби Господни, / Единого Бога славословили есте // и смерть за Христа восприяли есте.

## ИН ТРОПАРЬ,

глас 1:

**С**оюзом любви связавшися, преподобнии, / всяк союз козней вражиих попрасте, / страдание же и смерть неповинне от безбожных претерпесте добре, / тем молим вас, вкупе поживших / и венцы мучения приемших, / молитесь Господеви о нас, / яко да во мнозей любви, вере и надежди добре поживше, // всегда ублажаем вас, Ионо и Германе добропобеднии.

## ИН КОНДАКЪ,

глас 7:

**Е**гда мрак жестоких низвращений / от людей чуждых постиже землю Кольскую, / и иноцы обитель в твердыню обратиша, / тогда многоскорбная сердца ваша / помянуша глагол преподобнаго Трифона, иже глаголаше: / найдет на обитель сию святую искушение тяжкое, / и от острия меча умучатся мнози, / но не ослабевайте, братия моя, упованием на Бога. / И ту горькую скорбь, до конца мужественно понесли есте, / Христовы страстотерпцы, // Промысл Божий благий во всем разумевающе.

## КРАТКОЕ ЖИТИЕ

### преподобномучеников Ионы и Германа Печенгских

Святые преподобномученики Иона и Герман Печенгские – верные ученики и сомолитвенники преподобного Трифона Печенгского, принявшие мученическую кончину в Успенской пустыни Печенгского монастыря 2/15 декабря 1589 года.

Святой Иона Печенгский, по-видимому, родился в с. Варзуга ок. 1503 года и был крещен с именем Иоанн.

Отец Иоанн стал первым священником кольских церквей – Благовещенской и Никольской, построенных преподобным Феодоритом в декабре 1533 года. Вскоре «супруга роди ему дочь. По рождении же оному непросвященному младенцу прилучися зело болеть, и по общему совету с супругою крестиша ее». Произошла ситуация, оговоренная в 53-м Правиле VI Вселенского Собора. Мать ребенка, жена священника, была вынуждена сама стать восприемницей своей дочери, поскольку, кроме нее, иных женщин, подходящих для роли крестной, в Коле в тот момент не оказалось. Но «понеже родство по духу есть важнее союза по телу... да отступят от сего незаконного супружества», что и было свято исполнено батюшкой с матушкой.

«И тоя ради вины оставил он супругу и дочь в дому и отъиде во обитель Святого Трифона». Матушка с дитем вернулась в родное село Варзугу. Иоанн же «бысть ученик Трифона и от преподобного навыче искусного монашества. И потом благословлен иеромонахом».

Так начал свой долгий путь монастырской жизни иеромонах Иона Печенгский. В течение пятидесяти лет он неотлучно пребывал с преподобным Трифоном. После кончины преподобного в 1583 году вместе с иноком Германом он продолжил служение при могиле своего духовного отца в Успенской отходной пустыни.

Герман Печенгский, «будучи рясофорным монахом, исполнял обязанности причетника и пономаря. Оба инока в безмолвии и трудах поистине были земными ангелами».

Эти два старца первыми приняли мученическую кончину при нападении отряда финских подданных шведского короля, которое случилось за неделю до разорения самого Печенгского монастыря. Старцы Иона и Герман Печенгские были умучены утром 2/15 декабря во время завершения ранней Божественной

литургии. Послушник Герман звонил на колокольне и, увидев врагов, бросился вниз предупредить служащего Иону, но не успел и был убит у выхода из колокольни. Девяностолетний старец Иона принял кончину, сжимая в руках Святую Чашу. Как истинный воин Христов, он защитил прежде всего Святые Дары, и «кровь мученика смешалась с кровью Божественного Агнца».

Печенгские старцы прославлены в Соборе Кольских святых с присвоением им дня памяти в день их мученической кончины 2/15 декабря. Мощи преподобномучеников Ионы и Германа Печенгских почивают под спудом под алтарем Свято-Троицкой церкви Трифонова Печенгского монастыря.

## МЕСЯЦА ДЕКАБРЯ ВО 2-Й ДЕНЬ (15 ДЕКАБРЯ ПО Н. СТ.)

Святых преподобномучеников  
Ионы и Германа Печенжских

### НА МАЛЕЙ ВЕЧЕРНИ

На Господи, возвах: стихиры на 4, глас 4:

**Е**гда благословением Печенжскаго старца / званы были есте на служение пастьерское, / славнии Ионо и Германе, / во обители преподобнаго воспитани бысте при ногу Трифонову / и подвигом иноческим добре подвизаетесь, / тогда и мученичества красотою светло просияли есте. / Ныне же в невечернем дни Царствия Божия сладость райскую вкушаете, / исполнение надежды вашей улучивше. / Темже память вашу празднующим, // сию надежду присно подавайте.

**Е**гда испытана Господь в горниле скорбей / злато смиренных душ ваших, / мужество неоторимое даде вам, / святии страдальцы Печенжстии Ионо и Германе, / жития ради всехвальнаго во ангельском образе, / вы бо верность Христу Богу до смерти сохранили есте, / темже венцы нетленные стяжавше, / молитесь о нас прилежно, // да сподобимся оправдания в страшный День Судный.

**Е**гда попущением Божиим / свитцтии немцы зверонравнии / на обитель Живоначальныя Троицы ратию приидоша / и зло неисцельное сотвориша, / и пламень злобный попали мирное житие киновии вашей, / мучение лютое претерпели есте, / да конечно возславит вас Господь, двоице достославная, / в пренебесных обителях, идеже славится во веки Иисус, // Единый от человеколюбных Троицы.

### Сла́ва, глас 8:

**П**риидите днесь, монашествующих множество, / Ио́ну и Ге́рмана пёсньми и пёньми восхва́лим, глаго́люще: / ра́дуйтесь, пресла́внии, земли́ Ко́льския пресве́тлии свети́льницы; / ра́дуйтесь, благочести́ваго отца́ своего́ духо́внаго о́трасли; / ра́дуйтесь, смире́ния и благотерпе́ния зве́зды полно́щныя; / ра́дуйтесь, целому́дря и воздержáния столпи́; / ра́дуйтесь, кровь свою́ за Христа́ проли́явшии; / ра́дуйтесь, преподо́бномученицы Ио́но и Ге́рмане, / моли́тесь о нас приле́жно, / да сподобимся избежа́ти бу́дущих бе́дствий // и предста́ти Сы́ну Челове́ческому.

### И ны́не, глас то́йже:

**В**лады́чице, приими́ моли́твы раб Твои́х // и изба́ви нас от вся́кия ну́жды и печа́ли.

### На стихо́вне стихи́ры, глас 1.

Подо́бен: Небе́сных чино́в:

**Б**лаже́ннии Ио́но и Ге́рмане, / вётхаго челове́ка совлекли́ся есте́ со страстьми́ / и во Христа́ облекли́ся есте́ войсти́ну: / тем и обли́чили есте́, преподо́бнии, мно́гая вра́жия ополче́ния. / Ве́рно ны́не соше́дшеся в па́мяти ва́шей, достосла́внии, / ублажа́ем вы любо́вию, // велича́юще вас Просла́вльшаго.

**Стих:** Честна́ пред Го́сподем // смерть преподо́бных Его́.

Божество́нная дво́ица преподо́бных А́нгелы удиви́, / ста́рцы свя́тии Ио́но и Ге́рмане досточу́днии, / трезвени, че́стни, цело́му́дрени, / здра́вствующии ве́рою благомо́щною. / Ны́не же, в Небе́сных оби́телех жи́тельствующе, / моли́тесь о нас, мучени́чества ва́ша чту́щих / и торже́ствующи́х любо́вию // все́священную па́мять ва́шу.

**Стих:** Блаже́н муж, боя́йся Го́спода, // в за́поведах Его́ восхо́щет зело́.

Чи́стыми моли́твами ва́шими Бо́гови прибли́жившеся, / меч язв́ящ и пла́мень о́гненный проше́дше, преподо́бномученицы, / ве́чнаго поко́я сла́дость обрели́ есте́ / и, по́двиг во Христе́ жи́тельства му́жественне совершивше, / пра́ведною кро́вию блаже́нство райское сниска́ли есте́. / Приимите ны́не пёние ча́д ва́ших, отцы́ свя́тии, // ра́достно торже́ствующи́х честну́ю па́мять ва́шу.

### Сла́ва, и ны́не, Богорди́чен, глас и подо́бен то́йже:

**О**бра́дованная, ра́дуйся, / Я́же Ра́дость ми́ру ро́ждшая, / Христа́ Жизнода́вца, / и праматернюю, Де́во, // печа́ль отъе́мшая.

## Тропа́рь, глас 3:

**М**ужество необоримое даде́ся вам, / святѣи страда́льцы Пече́нж-  
стѣи Ио́но и Ге́рмане, / житѣя́ ради́ всехва́льнаго, / вы бо, ве́р-  
ность Христу́ Бо́гу до сме́рти сохрани́вше, / муче́ние лю́тое пре-  
терпе́ли есте́. / Те́мже, венцы́ нетле́нныя стяжа́вше, / моли́тесь о нас  
приле́жно, // да сподо́бимся оправда́ния в стра́шный День Су́дный.

## Ектенія́ ма́лая и отпу́ст

# НА ВЕЛИ́ЦЕЙ ВЕЧЕ́РНИ

Блаже́н муж: 1-й антифо́н.  
На Го́споди, воззва́х: стихи́ры, глас 5

**П**риидѣ́те, христолю́бѣи лю́дие, / восхва́лим ревни́телей и  
защи́тителей до́блественных оби́тели Пече́нжскѣя, / Ио́ну  
скитонача́льника Успе́нскѣя пу́стыни, / вку́пе же и сподви́жника  
его́ Ге́рмане, / тѣи бо ве́лию скорбь нача́тка зла́го разоре́ния оби-  
тели прия́ша / и кровь свою́ за Христа́ проли́яша, / со́нму препо-  
добному́чеников Пече́нжских сопричте́ни бы́ша. / Ны́не же пред-  
стоя́т Престо́лу Госпо́дню // и мо́лятся о спасе́нии душ на́ших.

**Я**коже пла́мень зло́бный попали́ / ми́рное жити́е кино́вии во  
дни, / ве́ликому царю́ Феодо́ру Иоа́нновичу, воева́вшу на сви́тц-  
кѣя лю́ди, / тогда́ же не́мцы сви́тцкаго владѣ́ния фи́нскѣя стра-  
ны́ / в Филиппов пост на оби́тель Живонача́льныя Тро́ицы ра́тию  
приидо́ша // и зло неисце́льное сотвори́ша.

**М**но́гия ско́рби и страда́ния на земли́ смире́нно претерпе́в-  
ше, / я́ко во мно́зем искуше́нии скорбе́й избы́ток ра́дости их, / и  
я́же во глубине́ нищета́ их избы́точествова / в бога́тство просто-  
ты́ их, / и крест му́ченический богопоко́рно понесе́ше, / ны́не на  
Небе́си ра́дости неизрече́нныя наслажда́етесь, / преподобному́-  
ченицы Ио́но и Ге́рмане, / и в со́нме святы́х Го́спода воспева́ете. /  
Того́ моли́те и нам по́прище земно́е смире́нно соверши́ти // и  
Ца́рствие Бо́жие насле́довати.

**Т**елеса́ ва́ша на растерза́ние преда́сте, / блаже́ннии Ио́но и  
Ге́рмане, / ду́ху плоть покорѣ́вше, / мече́м язвенным и огне́м па-  
ля́щим сме́рть прия́ша. / Те́мже, венцы́ му́ченическѣя от Го́спода  
прие́мше, / ны́не Престо́лу Бо́жию во Ца́рствѣи Небе́снем пред-  
стои́те // и мо́литесь о душа́х на́ших.

## Слава, глас 8:

**В**о изгнании со отцем своим Трифоном суще, / молитву непре-  
станную слезами растворяли есте о обители Печенжстей, /  
идеже лукавии иноцы спону вам, святии Ионо и Германе, / бесов-  
ским советом учинити восхотеша, / еже из Печенги изгнати, / в  
нейже многия подвиги и труды понесли есте. / Вы же сих, якоже  
и Трифон преподобный, Моисею подобящися, / манною питати  
не престаи есте, // дондеже в благоразумие приведоша.

## И ныне, Богородичен:

**Ц**арь Небесный за человеколюбие на земли явися, / и с чело-  
веки поживе, / от Девы бо Чистой плоть приемый / и из Нея  
прошедый с восприятием. / Един есть Сын, сугуб естеством, / но  
не Ипостасию. / Темже, совершенна Того Бога / и совершенна  
Человека воистину проповедающе, / исповедуем Христа Бога  
нашего: / Егоже моли, Мати Безневестная, // помилуватися ду-  
шам нашим.

## Таже вход. Прокимен дне. Чтения три. Премудрости Соломоновы чтение:

**П**раведных души в руке Божией, и не прикоснется их мука. /  
Непщевани быша во очесех безумных умерети, и вменися оз-  
лобление исход их, и еже от нас шествие – сокрушение, они же  
суть в мире. / Ибо пред лицем человеческим, аще и муку примут,  
упование их безсмертия исполнено. / И в мале наказани бывше,  
великими благодетельствовани будут, яко Бог искуси я и обрете  
их достойны Себе. / Яко злато в горниле, искуси их и, яко всепло-  
дие жертвенное, прият я. / И во время посещения их возсияют и,  
яко искры по стеблию, потекут. / Судят языком и обладают людь-  
ми, и воцарятся Господь в них во веки. / Надеющиеся Нань раз-  
умеют истину, и вернии в любви пребудут Ему. / Яко благодать и  
милость в преподобных Его, и посещение во избранных Его.

## Премудрости Соломоновы чтение:

**П**раведницы во веки живут, и в Господе мзда их, и попечение  
их у Вышняго. / Сего ради примут Царствие благолепия  
и венец доброты от руки Господни, зане десницею покрывает я и  
мышцею защитит их. / Приемет всеоружие рвение свое и воору-

жѣтъ тварь в мѣсть врагѣмъ. / Облечѣтъся в броня правды и возложѣтъ шлем – суд нелицемѣренъ. / Приимет щѣтъ непобѣдимый – преподѣбие, поострѣтъ же напрасный гнев во оружіе, споборет же с ним мир на безумныя. / Пойдут праволучныя стрѣлы молниины и, яко от благокругла лука облаковъ, на намѣрение полетятъ, / и от каменомѣтныя ярости исполнь падутъ грады. Вознегодуетъ на них вода морская, реки же потопятъ я нагло. / Сопротивъ станетъ имъ духъ силы и, яко вихоръ, развѣетъ ихъ, и опустошитъ всю зѣмлю беззаконіе, и злодѣйство превратитъ престолы сильныхъ. / Слышите убо, цари, и разумѣйте, навѣикните, судий концевъ земли. / Внушите, содержащии множества и гордящиися о народахъ языковъ, яко дана есть от Господа держава вамъ и сила от Вышняго.

### Премудрости Соломоновы чтѣние:

**П**раведникъ, аще постигнетъ скончатися, в покой будетъ. / Осудитъ же праведникъ умираяй живущія нечестивыя. / Узрятъ бо кончину праведнаго и не разумѣютъ, что совѣщаша о немъ, яко повержетъ Господь нечестивыя безгласны ницъ и поколеблетъ ихъ от основаній, и до послѣдняго исчезнутъ в болѣзни, и память ихъ погибнетъ. / Приидутъ бо в помышленіе согрешеній своихъ ужасни, и обличитъ ихъ сопротивъ беззаконія ихъ. / Тогда станетъ в дерзновеніи мнозе праведникъ предъ лицемъ оскорбившихъ его и отметающихъ труды его. / Видевше же его, смятутся страхомъ многимъ и ужаснутся о преславномъ спасеніи его. / Рекутъ бо в себѣ, кающесе, и в теснотѣ дѣха воздохнутъ и рекутъ: сей бе, егоже имѣхомъ некогда в посмѣхъ и в притчу поношенія, безумнии, житіе его вменихомъ неистово и кончину его безчестну. / Како вменися в сынѣхъ Божиихъ, и во святыхъ жребій его есть? / Убо заблудихомъ отъ пути истиннаго, и правды светъ не облистатъ намъ, и солнце не возсия намъ. / Беззаконныхъ исполнихомся стезь и погибели, и ходихомъ стези непроходны, пути же Господня не разумѣхомъ.

### На литий стихира храма и святымъ стихирѣ, гласъ 1:

**М**ечѣмъ вражиимъ и огнемъ вещественнымъ смѣрътъ приѣмше, / пламене геенскаго избѣгли есте, / богоблаженнии Ионо и Германе, / лику же неисчетному доблественныхъ мучениковъ приобщившесе / и Собору святыхъ земли Кольския основаніе твердо положивше, / с теми ныне песнь побѣдную на Небесѣхъ воспеваѣте, / сего ради къ вамъ умильно вопиѣмъ: // молитѣ Господа о спасеніи душъ нашихъ.

## Слава, глас 4:

**П**одвигом иноческим добре подвизаетесь, / славнии Ионо и Германе, / во обители преподобного воспитани бысте при ногу Трифона, / егоже труды и молитвами цветом благочестия пустыня лопарская процвете, / и достойно званию хождаете, / преподобия же образ чисть сохранивше, / паче подвиг страс- тотерпчества во времена тяжкая мужественне подъяли есте / и мученичества красотю светло просияли есте. / Сего ради преподобномученицы нарекшеся / и от Христа Бога увенчавшеся, / о обители вашей того прилежно молитесь // и нам просите мира и велия милости.

## И ныне, Богородичен:

**П**ризри на моления Твоих раб, Всенепорочная, / утворяющи люта на ны востания, / всякия скорби нас изменяющи, / Ты бо, Едину, твердое и известное утверждение имамы, / и Твое предстательство стяжашом. / Да не постыдимся, Владычице, Ты призывающи, / потщися на умоление Тебе верно вопиющих: / радуйся, Владычице, / всех помощи, радости и покрове, // и спасение душ наших.

## На стиховне стихиры, глас 1.

**Подобен: Небесных чинов:**

**В**о дни поста в преддверие праздника великаго / наста вам, преподобномученицы, путь крестный совершившим, / время к Дому Отчу преселения, / темже, смертию мучительною предпочистившеся, / с веселием ко Христу Раждающемуся на Небо вознесостесь. / Сие последнее земное ваше литургисание // в Небесное и Вечное вам преложися.

**Стих:** Проидохом сквозе огонь и воду, / и извел еси ны в покой.

Душами вашими семя евангельское восприясте, / преподобномученицы Ионо и Германе, / пощение, яко цвет, мучение, яко плод, принесли есте. / Рождество Христово вам светло славящим, / Сам Господь, Рождейся от Девы, / страдания конечная ваша предваряя, / посреде вас невидимо пребысть, / и силу к терпению муки подавая, / от юдоли смертныя вас возведе в Вышняя Небесная селения. / Темже, со святыми сродники нашими в вертограде Небеснем ликовствующе, // молитесь спастися душам нашим.

**Стих:** Свет возсия праведнику, / и правым сердцем веселие.

Верую нетщетою во Христа окривляеми, / все упование на Него возложили есте, / преподобномученицы Ионо и Германе, / уморивше себе прежде смерти воздержанием своею волею, преподобнии, / от беззаконных неволею мечем люте побиени бысте, // верующе и по смерти жити.

### Слава, глас 6:

Распешемуся за ны Христу Богу, / смерть поправшему и ад пленившему, / сораспиналися есте, страстотерпцы приснопамятнии. / Аще и мечами от беззаконных убиваемы бысте, отцы, / от жития сего отступите: / но прежде исхода скорби и нестроения горькая претерпесте, / мертвы бысте миру, / ныне в невечернем дни Царствия Божия сладость райскую вкушаете, / исполнение надежды вашае улучивше. / Темже память вашу празднующим, // сию надежду присно подавайте.

### И ныне, Богородичен:

Творец и Избавитель мой, Пречистая, / Христос Господь, из Твоих ложесн прошед, / в мя оболкийся, первая клятвы Адама свободи. / Темже Ти, Всечистая, / яко Божии Матери же и Деве, / войстину вопием немолчно: / радуйся ангельски, радуйся, Владычице, / предстательство и покрове, // и спасение душ наших.

*На благословении хлебов: тропарь преподобномучеником, дважды, и Богородице Дево: единожды.*

### Тропарь, глас 3:

Мужество неборимое дадеся вам, / святии страдальцы Печенжстии Ионо и Германе, / жития ради всехвальнаго, / вы бо, верность Христу Богу до смерти сохранивше, / мучение лютое претерпели есте. / Темже, венцы нетленные стяжавше, / молитесь о нас прилежно, // да сподобимся оправдания в страшный День Судный.

## НА УТРЕНИ

На Бог Господь: тропарь преподобномучеником *(дважды)*.

Слава, и ныне, Богородичен:

Тя, ходатайствовавшую спасение рода нашего:

По 1-й стихологии седален, глас 2:

**Н**аставницы братии в заветех иноческих явились есте / и во страданиях о Христе детоводители показались есте, / первоученицы Печенжстии преподобнии Ионо и Германе, / вмените сию скорбь в радость себе и во спасение. / Темже, смертью мученическойю жизнь вечную обретше, / мзду достойну от Господа восприяли есте // и преподобномученицы во святых Его нареклися есте. *(Дважды)*

Слава, и ныне, Богородичен, глас тойже:

**П**редстательство неусыпное и мамы Тя, Пресвятая Владычице, / мольбам и плачем земным скорое Услышание, / болезням и скорбем теплое Сострадание, / Руце, простертеи в помощь обремененным грехми и бедами, // Глас, непрестанно молящий милосердие Божие за род человеческий.

По 2-й стихологии седален, глас 3:

**Н**естерпимому огню соединившеся телесне, / души, пламенем любви Божественныя объята, / в руце Господа предали есте, страстотерпцы, / смертью страдальческою от земли отшедше, / присно живи обретаетеся во Царствии Небеснем, // вшедше в рай, яко возлюбленнии Христовы. *(Дважды)*

Слава, и ныне, Богородичен, глас тойже:

**В**озжада душа моя Тебе, Спасе мой, / яко живота источник и маши воистину, / Свет миру Невечерний Богородицею возсиявый. / Тоя всеильными мольбами Небесных благ сокровище отверзи ми, // Владыко Многомилостиве.

## Величание:

**В**еличаем вас, / преподобномученицы Ионо и Германе, / и чтим святую память вашу, / наставницы монахов // и собеседницы Ангелов.

## Псалом избранный:

**Б**ог нам Прибежище и Сила, Помощник в скорбех, обретших ны зело. / Мене ждаша грешницы погубити мя, свидения Твоя разумех. / Глаголах о свидениях Твоих пред цари и не стыдяхся. / Все языцы обыдоша мя, и именем Господним противляхся им. / Аз на раны готов: и бых язвен весь день. / Тебе ради умерщвляемся: вменихомся, яко овцы заколения. / Господь утверждение мое, и Избавитель мой, и уповаю на Него. / Крепость моя и пение мое Господь, и бысть мне во спасение. / Ты, Господи, сохраниши ны и соблюдеши ны от рода сего и во век. / Искусил ны еси, Боже, разжегл ны еси, якоже разжизается сребро.

## По полиелееи седален, глас 8:

**А**нгелом собеседницы на земли бысте, / старцы святии Ионо и Германе досточуднии, / трезвени, честни, целомудрени суще, / здравствующе верою благомощною, любовью Христовою богатии, / терпением великим богопочтении, очима мысленными зряще Небесная / и сердцем внемлюще глаголом Господним. / Ныне же, в Небесных Обителях жительствующе, / молитесь о нас, преподобие ваше чтущих, / да верни повелением Господним пребываем, // друг друга любяще и мир в себе имуще. *(Дважды)*

## Слава, и ныне, Богородичен, глас тойже:

**Н**ебесная Царице, Госпоже Благая, / любви Божественныя Соуде преисполненный, / Твоим всемиростивным заступлением / сея животворящая любви сосуды честны спасаемых нас сотвори, / да верни повелением Господним пребываем, друг друга любяще, // и мир в себе имуще.

**Степенна, 1-й антифон, 4 гласа. Прокимен, глас 4:** Честна пред Господем / смерть преподобных Его. **Стих:** Что воздам Господеви о всех, / яже воздаде ми? **Всякое дыхание:** Евангелие от Матфея, зачало 37.

## По 50-м псалмѣ стихіра, глас 6:

**Г**де твоѣ, смѣрте, жало? / Где твоя, аде, побѣда? / Всѹе ищете вѣрных Господних пожрѣти, / власти же не имате, / победил бо есть вы Спас душ наших Христос Бог, / даровав живот вечный всем земнородным, / вѣрным Царство Своѣ заповѣда, / Того наслѣдницы Иона и Герман / житиѣм праведным и кончиною мученическою явишася. / Ныне память тех воспевающе, / начало вѣчнаго житія их в Бозе празднуем // и к помощи их молитвенней взываем.

## КАНОН

### святым преподобномученикам Иону и Герману Печенжским, глас 6

#### Песнь 1

**Ирмос:** *Волною морскою / Скрывшаго древле гонителя мучителя, / под землю скривша спасенных отроцы; / но мы, яко отроковицы, / Господеви поим, // славно бо прославися.*

**Запѣв:** *Святїи преподобномученицы Ионо и Германе, // молитѣ Бога о нас.*

**С**подобїи, Господи, прославити по достоянїю преподобномучеников Печенжских, Иону и Германа, / тїи бо, силою Христовою вооружившеся, / искушѣнием вражїим противосташа / и сонма мучеников Печенжских украшѣние пресвѣтлое явишася.

**Х**ристѣ Многомилостиве, даждь нам слово Богоблагодатное / достойно прославити угодники Твоя, преподобномученики Иону и Германа, / подвиги постническия подъемшия / и Именем Твоим даже до крове злодѣйства вражїя препобедившия. / Темже поминайте нас, достоблаженнии, / верою и любовію вас величающих.

**В**ерою крепкою и твердым иноческих обѣтов исповѣданием / вѣчнаго блаженства достигосте, преподобнии Ионо и Германе, / смѣртию бо страдальческою к Животу безсмертному прѣставилися есте / и кровію безвинною багрянїцу Церкве Православныя украсили есте, / поюще и превозносяще Господа во вся вѣки.

Похва́лим днесь преподо́бнострада́льцев дво́ичное сочета́ние, / дво́ицу присноблаже́нную, твёрдыа адама́нты, / от разбо́ища еретико́в смерть непра́ведную претерпе́вша: / па́стырь изряднейший Ио́на, ста́рец досточу́дный, / досто́йно да почт́ится днесь, / и ино́к божество́нный Ге́рман / со все́ми иными Пече́нжскими страда́льцы / да возвесел́ится.

А́нгелы удиви́ божество́нный лик сих преподо́бных: / вельми просла́ви вы Христо́с, отцы́ всечестни́и, / и на небеси́, и на земли́, я́ко по́стничествовавшиа пре́жде, / послед́и же пострада́вшиа му́ченически, / те́мже почита́ем днесь благознамени́тую па́мять вашу́.

**Богоро́дичен:** Пу́ть ко спасе́нию откры́ла еси́ нам, Богоро́дице, / жити́я непоро́чнаго о́браз чисте́йший явля́ющи. / Те́мже, на Тя взира́юще и Тебе́ моля́щися, / из глубины́ серде́чныа взыва́ем: / я́звы грехо́в и стру́пы страсте́й на́ших исцели́ слеза́ми покая́ния.

### Песнь 3

**Ирмо́с:** Тебе́, на вода́х повеси́вшаго / всю зе́млю неодо́ержимо, / тварь, ви́девши на лóбнем висима, / у́жасом мно́гим содрага́шися, // несть свят, разве Тебе́, Го́споди, взыва́ющи.

О́т ко́рене поморо́скаго произше́д, свя́те Ио́но, / из ве́си Ва́рзуги ро́дом, и́менем Иоа́нн, / ве́ре Христо́вой и любви́ Божество́нной измла́да прилежа́л еси́. / И бысть поста́влен бело́ри́зным иере́ем, оты́де в Ко́льский град свяще́нствовати. / Обстоя́ния ско́рбная благоду́шно претерпел еси́ / и твёрду ве́ру посреде́ искуше́ний мно́гих до конца́ удержа́л еси́.

Оба́че неизсле́довани пу́тиё Го́сподни, / Про́мыслом Бо́жиим прия́ше ино́ческий по́стриг со и́менем Ио́на, / и́бо неиспы́тани судьбы́ Его́, / и, волю́ Го́сподню сотвори́в, оты́де на Пече́нгу и помо́щник бысть вели́кому ста́рцу Трифо́ну. / Пребы́сть же иеро́ино́к Ио́на со преподо́бным пятьдесят лет прилежа́ / и во всех искуше́ниих обрете́ся ве́рен.

Вседе́ржителя́ глас услы́шав, смире́нный Ге́рман мирская́ вся отринул еси́ / и ко ре́це Пече́нзе стопы́ своя́ напра́вил еси́, / иде́же во обители́ святе́й всели́вся, / в послуша́ние Бо́гу всеце́ло вда́лся еси́. / Рясофо́рный ино́к бысть сослужите́ль Трифо́нов, / и сей бе́ друг ве́рен и кров кре́пок.

Нестро́ению во обители́ Пече́нжстей бы́вшу, / избра́ша тя, о́тче Ио́но, бра́тия духовника́ себе́, / ве́дуще тя ста́рца свяще́нноле́пнаго, кро́тостию и ти́хостию почте́нна, благона́вием и по-

слушанием украшенна, / любовь к Богу и ближним обдержима / и мудрость духовную стяжавша, / Июно достохвальне.

**Богородичен:** Обрѣтши благодать у Сына Твоего заступати немощный род человеческий, Богородице, / неусыпно назираеши люди христианския, / иноком наипаче покровительствуеши, / яко Ангельскому чину подражателем, / Сама бо вышши ангельскаго жительства нам явила еси.

### Седален, глас 5:

**М**еч язвѣщъ и пламень огненный прошедше, преподобномученицы, / вѣчнаго покоя сладость обрели есте / и, подвиг во Христѣ жительства мужественне совершивше, / праведною кровию блаженство райское снискали есте. / Молим вас, святѣи: / молитесь за ны ко Господу, / поприще жития нашего нам достойно пройти, / стрел вражиих избѣгнути // и вѣчныя погѣбели избавитися.

### Слава, и ныне, Богородичен:

**З**аступницу Тя имама пред Богом, Пречистая Дѣво, / не презри раб Твоих, на предстательство Твое надеющихся, / молѣние наше приими и помощь с Небесъ низпосли, // да спасѣние душ наших обрящем.

### Песнь 4

**Ирмос:** *На Крестѣ Твоемъ Божественное истощаніе / провидя, Аввакумъ, ужасся, вопіяше: / Ты сильных пресекл еси державу, Блаже, // приобщаяся сущимъ во аде, яко Всесилен.*

**П**одвиги многими подвизався, Июно всеблаженне, / восходил еси от силы в силу / и, к сану священному сопричтенъ быв, / служение свое усердно совершал еси / под покровом первоначальников обители Печенжскія Трифона и Феодорита, / имже умиленною душею внимал еси и ко Господу молитвы простирал еси, / по степенемъ дородѣтели восходя.

Обѣты иноческия усердно исполняюще, / наставника Богомъ даннаго, преподобнаго Трифона, / любовь почитали есте, Июно и Германе прехвальнии, / темже и стезею пустынножительства вкупе шествовавшие, / мученичества красотою украсились есте.

Естествомъ добродѣтелей любви сопряглись есте скорбящему учителю своему Трифону / с содружбникомъ его Варлаамомъ,

в пúсте мóри с нíми озёмствуюся / и на ладíи шéствующе, при-  
частныя душі нéмощи очищающе. / И от града во град, и от веси́  
в весь странствующе, / пребы́сте та́мо ни́щи и проси́тели, / и я́же  
испроша́сте милостыни, на пропита́ние бра́тий посыла́сте.

**А**ще и пита́еми ропта́ти не престаю́т, / но вы сих звéрство на  
кро́тость в благоразу́мие приве́дете / моли́твами непреста́н-  
ными и пéнием, и бде́нием, / до́ндеже их Христо́ви чíсты пред-  
ста́вили естé. / И егда́ прииде час мучéния, / венцы́ добропобéд-  
ныя Господь им дарова́л ест, / и от обите́ли земны́я во обите́ль  
небе́сную ча́да ва́ша водвори́лися суть.

**Богородичен:** Мо́лим Тя, Богороди́це Де́во, / вра́жиими злоде́й-  
ства обу́рева́еми: / сетей́ злоухищре́нных свободи́, / мучи́тель-  
ства страсте́й нас изба́ви, / мир Бо́жий в ду́ши на́ша водвори́, /  
терпéнием Христо́вым снабде́вающи.

## Песнь 5

**Ирмо́с:** *Богоявле́ния Твоего́, Христе́, / к нам ми́лостивно бывша-  
го, / Иса́ия, Свет ви́дев Невече́рний, / из но́щи у́треневав, взы-  
ва́ше: / воскрэ́снут ме́ртвии, / и воста́нут су́щии во гробéх, //  
и вси земно́роднии возра́дуются.*

**М**е́сяца декаб́ря во вторы́й день / по благоволе́нию суде́б Бо́-  
жиих неизсле́димых / приидо́ша напа́сти злы́я, произни́к-  
шия от страны́ да́льня, / и сокруше́ние вели́ко свято́й обите́ли  
бысть. / Пёрвее дости́гоша разоре́ния вра́жия отхо́дныя пúсты-  
ни, / в ню́же свято́й Три́фон отлуча́шеся на богомы́слие и без-  
мо́лвие, / та́мо храм Успе́ния Пречи́стыя Богороди́цы, / и́же ест  
над мо́щами преподо́бнаго.

**П**ри сем ме́сте свя́те живя́ху / на земли́ той преждерече́ннии  
ста́рцы, пусты́нницы и безмо́лвницы, / бы́ша че́стни и превоз-  
вы́шенни, земны́я че́сти и сла́вы отве́ргшеся. / Сии́ небе́снии  
челове́цы и земни́и а́нгели / пятьдеся́т лет ве́рно и невскло́нно  
сослужи́ша при ста́рце Три́фоне, / ны́не приложи́ша твори́ти по-  
слуша́ние / и послужи́ша при могиле́ преподо́бнаго.

**И** зело́ ра́но, я́ко страх но́щный, / внеза́пу нападо́ша во́лцы  
лю́тии на храм, / и за́втра литургиса́вших ста́рцев святы́х поя́-  
ша, / и уби́ша их мече́м, и со це́рковию огню́ преда́ша, / и вся  
свяще́нныя сосу́ды Господни́ взёмше оскверни́ша. / И о́крест  
свята́го хра́му разори́ша кели́и, / и вскра́й мо́ря ладíи претеса́-  
ша, и пожего́ша их огне́м. / Те́мже, о всеблаже́ннии и многостра-  
да́льнии ста́рцы светосия́ннии, / не преста́йте моли́тися о нас,  
па́мьть ва́шу прославля́ющих.

**Богородичен:** Над землёю Русскою Покров державный распро-  
стерши, / не оставила еси нас от злодеяний лстываго погибну-  
ти, Заступнице Всемилостивая. / Помози нам и ныне веру истин-  
ную без страха исповедати / и Православия поборники быти.

### Песнь 6

**Ирмос:** *Ят бысть, но не удержан / в персех китовых Иона: / Твой  
бо образ нося, / Страдаваго и погребению Давшагося, / яко от  
чертога, от зверя изыде. / Приглашае же кустодии: / храня-  
щи суетная и ложная, // милость сию оставили есте.*

**Т**ии еретицы, ещё дышаще убийством на неповинныя рабы  
Господни, / обнощ на ладиях пучину преплыша, / зане ветри  
не бяху противни, / и пробрезгу приплыша в губу Печенжскую /  
и монастырския солеварни разорыша, / идеже мездников истре-  
биша, / не пощадиша старцы и младенцы, / юноши и девы, / но  
всех мечем избыша.

**М**ногих ради и великих наших грехов / по благоволению  
судеб Божиих неизследимых / тии еретицы обнощ безвестно  
впадоша и во твердыню лавры / и вне церкви во службах сущих  
иноков и мирских мечем заклаша. / Темже и Христос преславно  
венцы от Престола славы Своея страдальцы венча. / Со Ангелы  
Тому ныне предстояще, / молитесь спастися душам нашим.

**П**ослежде лютии зверие во церковь лаврскую вскочиша со ору-  
жием / и во храме всех предаша смерти, / и ради тяжчайшаго му-  
чения тех на полы пресекоша, / иным ноги и руки отсекоша, /  
иных вдоль рассекоша. / И падоша вси острием меча во обите-  
ли до конца, / и на всех стенах окрест лавры, и на всех погостех  
Печенжских. / Агнцы же незлобивии единотерпение во мнозех  
телесех показаша, / преподобнострадальнии отцы обители Пе-  
ченжския, / и венцы победными главы их венчашася.

**С**вятаго же старца, превелебнаго игумена Гурия, и смиренна-  
го диакона Иосифа / различне мучаша и оружием уязвиша, и ог-  
нем сожегоша; / но доблии Христовы страдальцы в таком лю-  
тем мучении / еретиком ничтоже отвещаша и токмо к небеси в  
молитве взираху. / И мечами преподобных в части рассекоша, /  
и храмы Божия оскверниша, / и преподобных с посеченны-  
ми телесы сожегоша. / Да похвалится божественное сословие /  
сих священных мучеников, сугубым бо венцем венчашася, / яко  
твердии страдальцы сущи, треблаженнии.

**Богородичен:** Владычице мира, Мати Всепетая, / прими сердечную  
молитву раб Твоих, во умилении Ти приносивую, / и не

лиши́ нас ми́лостиваго Твоего́ заступле́ния, / но, я́ко Блага́я, спа-  
си́ ду́ши на́ша.

### Конда́к, глас 7.

Подобен: Разруши́л еси́:

**Е**гда́ мрак жесто́ких низвраще́ний / от люде́й чужди́х постиже́  
зе́млю Ко́льскую, / и ино́цы оби́тель в тверды́ню обрати́ша, /  
тогда́ многоско́рбная сердца́ ва́ша / помяну́ша глаго́л преподо́б-  
наго Трифо́на, иже глаго́лаше: / найде́т на оби́тель сию́ святу́ю  
искуше́ние тяжкое, / и от острия́ меча́ умуча́тся мно́зи, / но не ос-  
лабева́йте, бра́тия моя́, упова́нием на Бо́га. / И ту го́рькую скорбь  
до конца́ мужественне понесли́ есте́, / Христо́вы страстоте́рп-  
цы, // Про́мысл Бо́жий благи́й во всем разумева́юще.

### И́кос:

**Р**адуйте́ся, победоно́снии ста́рцы се́вернии, / во священно́й  
бра́ни до́блествовавшии, / и вене́ц драги́й от Го́спода радост-  
но прия́вшии, / и пе́сни невеще́ственных Серафи́м подража́ю-  
щии, / и с Херувимы́ славосло́влящии, / соде́лавшиися хра́мы Свя-  
та́го Ду́ха, / и та́ин висо́каго Бо́жия ра́зума самозрите́ли су́ще, /  
Христа́ проси́те низпосла́ти чту́щим вас ве́лию ми́лость, // Про́-  
мысл Бо́жий благи́й во всем разумева́ющим.

### Песнь 7

**Ирмо́с:** *Неизрече́нное чу́до: / в пе́щи Изба́вивый преподо́бныя  
о́троки из пла́мене / во Гро́бе мертв, бездыха́нен полага́ется /  
во спасе́ние нас пою́щих: // Изба́вителю́ Бо́же, благослове́н еси́.*

**П**усты́ни лопа́рския яви́лся еси́ до́брое прозябе́ние, преподо́б-  
не Ио́но, / от ю́ности бо яви́л еси́ чи́стое жити́е, / духо́вным  
твои́м учи́телем Феодори́ту и Трифо́ну последу́я, / и, тех уче́нием  
ум к Небе́сным вперив, / ста́ду твоemú премудр наста́вник пока-  
за́лся еси́; / тем и Христо́с тя, я́ко пресве́тла свети́льника, чудесы́  
обога́ти, Ио́но добропло́дный, / моли́ спастися́ ду́шам на́шим.

**Я**ко пусты́нницы и безмо́лвницы пребы́вали есте́, Ио́но и Ге́р-  
мане, / во Успен́stem скиту́ труды́ и моли́твами подвиза́ющесея  
день и но́щь / и нескло́нно Бо́гу в Тро́ице Единосущно́му и Не-  
разде́льному песнь возсыла́юще: / Изба́вителю́ Бо́же, благосло-  
ве́н еси́.

Мѣсто по́двигов в послѣдних концѣх земли сѣверныя избра-  
ли есте, отцы́ досточуднии, / световидными лучами облистáюще  
нам свѣтло мрак полнощный, старцы́ преподобнии. / Настá лѣт-  
ная пáмьять вáша, / Ио́но и Гѣрмане божественнии, / егда́, мно-  
го потрудившеся, / жити́е земно́е мученически скончáли есте. /  
Ны́не Престо́лу Всевы́шняго предсто́йте / и победоно́сно взы-  
ва́ете: / Избáвителью Бо́же, благословѣн еси́.

Болезньми воздержáния и постомъ претрудили́ся есте, / мо-  
литву, яко меч духовный, во ору́жие изостри́ли есте, / злоначаль-  
наго змíя до конца́ убíсте, / при кончíне же венцы́ мучѣния  
прия́сте; / верен бо Господь, обетова́вый Цáрствие Небѣсное лю-  
бящим Его́ и вопи́ющим: / Избáвителью Бо́же, благословѣн еси́.

**Богородичен:** Завета́ вѣчнаго Богоизбранная Тайннице / и Цáр-  
ства Христо́ва Всеми́лостивая Вратáрнице! / Гóспода и Влады́ку  
вѣков умоли́ о нас, немощных, озлоблѣнием вра́жиим мучимых, /  
Ты бо, Благосѣрдая Мáти, Помóщница тёплая / и Ходáтаица жи-  
вотá вѣчнаго, христиáном прíсно явля́еши.

## Песнь 8

**Ирмос:** Ужаснiся, бойiся, Небо, / и да подвижатся основáния  
земли: / се бо в мертвецѣх вменяется в Вы́шних Живы́й / и во Гроб  
мал страннопрíемлется. / Егóже, отроцы́, благословите, / свя-  
щенницы́, воспойте, // людие, превозносите во вся вѣки.

**Ч**етырѣдѣсятницу святу́ю Фили́ппова поста́ совершивше, /  
Гóспода нáшего воспева́ли есте, дýхом пламене́юще, / я́звы  
меча́ разбойническа хра́брски прия́вше, / огонь мучительный,  
челове́ки злобными разжѣнный, мýжественне претерпѣсте, / в  
Черто́г Твой, Спа́се, украшен́ный внидо́сте, / Христа́ Ро́ждшагося  
пою́ще / и превознося́ще во вся вѣки.

Кiiими духовными словесы́ / похва́лим богоно́сныя и препо-  
добнострадальныя отцы́ нáша Ио́ну и Гѣрмана, / днесь бо Пáс-  
ха вáша соверша́ется / от земли́ в Селѣния Небѣсная восхо́дом  
невозбран́ным. / Тѣмже днесь священную вáшу пáмьять вѣрно  
празднуем, служителие Христо́вы, / наследницы́ благословѣн-  
нии Небѣснаго Отѣчества яви́стеся, / пою́ще и превознося́ще  
Гóспода во вся вѣки.

Временных и тлѣющих наслаждѣний небрегóсте / и пусты́н-  
ное в безмóлвии жити́е возлюбíсте, / мiра красоты́ и пи́щи зѣм-  
ныя возненавидѣвше, / и отсю́ду сподобистеся мученическому и  
преподобническому сочетáтися ли́ку: / с ними́же молите спасти́  
рабы́ вáша, / пою́щия и превознося́щия Гóспода во вся вѣки.

Единой любви Христовой душу свою со преподобным Трифоном приложив, / всем сердцем потщался еси искоренити еллинская бесовская мудрования, отче Ионо, / и от зверскаго устремления свободити люди, некогда тяжкия и суровыя, / и совместно своими молитвами укротили есте лопь языческую, / на пажить живоносную наставивше, / к вере Христовой, яко овчата малыя, привели есте.

**Троицен:** Триипостасный Боже, / Словом сотворивый всяческая и Духом к животу призывавый земная и небесная! / Ты человеческое естество в подобие Свое создал еси, / оскверненное же грехом Кровию Христа Твоего паки возставил еси, / Егоже, отроцы, благословите, священницы, воспойте, / людие, превозносите во вся веки.

**Богородичен:** Послуживши Тайне Божией, человеческому разумению непостижимей, / сподоби нас благодати Сына Твоего, Пренепорочная, / немощь нашу укрепь, / житие унылое милостию Твоею обогати / и скудную молитву нашу Духа Святаго животворными дыханием раствори.

## Песнь 9

**Ирмос:** *Не рыдай Мене, Мати, / зрящи во Гробе, / Егоже во чреве без семени зачала еси, Сына: / встану бо и прославлюся, / и вознесу со славою непрестанно яко Бог, / верою и любовию Тя величающая.*

**Б**лагодарною душею славяще Творца и Бога, / преподобным и мучеником Христовым приобщилися есте, Ионо и Германе. / Сердцеведец же Господь мученическая ради кончины / венцы светосиянными украси вас. / Темже, со святыми земли Кольския в вертограде Небеснем ликовствующе, / молитесь спастися душам нашим.

**П**охвалим днесь достойно / Христовых угольников преподобнострадальцев двоичное сочетание, / двоицу присноблаженную, пастыря изряднейшего Ионо / и инока божественного Германа со всеми иными Печенжскими страдальцы, / песнь благодарованную им плетуще, / божественным разумением наставляеми, / и похвальныя венцы преподобномучеником // простирающе днесь.

**Ч**ашу испытаний мужественно приявше, / венцы нетленными украсилися есте в Чертозе Небеснем, / преблаженнии Ионо и Германе. / Темже не забудьте обители ваша Печенжския, / да

всякое благочестие и чистота во веки с нею пребывают, / и нас поминайте, благодарным сердцем вас величающих.

**Богородичен:** Царства Божия бисер драгоценен да возсияет в душах наших Твоими мольбами, Пречистая Дево, / Начальника жизни вечная Мати. / Помози нам, Благая, да терпением души стяжавше, / воскресения светлую радость невозвратно Тобою обрящем.

### Светилен:

**С**олнцу ставшу, одоле враги Иисус Навин, / вы же, края Кольскаго предстатели, / преподобнострадальнии отцы, пред очима вашима не имеющие солнца полнощнаго, / но выну имеющие Солнце правды, Христа Бога нашего, / враги видимыя и невидимыя посрамили есте, / смирением и вольною смертию плоть духу повиновасте / и краю нашему светильницы явитесь, / мечем уязвитесь и огнем испепелитесь, // всеожжения Божественная принесостесь Животворящей Троице, Единосущней и Нераздельней.

### Слава:

**С**тяжанием вас предстатели премудрыя / и хранители святых обителей и храмов наших, / темже светло совершаем память вашу благознаменитую, / песнями вас почитающе: / вы бо, Господа прославльше, // ныне достойно со Ангелы почитаемы есте.

### И ныне, Богородичен:

**С**вет Живота вечнаго возсия нам Тобою, Благодатная Марие, / плотию бо родила еси Жизнодавца Бога, / смерть поправшаго, мир Собою обновившаго / и всем верным Воскресение дарующаго.

### На хвалитех стихиры, глас 7:

**Р**евностию по Бозе распалымы / и жалостию о доме Господни снедаемы, / святыни обители ваша от расхищения и поругания нечестивых сохраняли есте, / до конца страдания претерпевше / и спасение душам обрели есте, / преподобномученицы преславнии, // ныне сияете во славе Господни.

Приидіте, мучениколюбцы, / возвеличим славнаго преподобномученика Іо́ну, / братію Печенжскую хлѣбом слова Божія насыщающа / и вином премудрости священныя напоюща. / Тѣмже ему возопиим: / теплотою любви твоея дары сия раствори еси, славный Іоно. / И ныне с высоты Небесней вещаеши чадам Церкви Православныя: / приступите ко Господу, и просветитесь, // и лица ваша не постыдятся.

Время жестокосердечнаго изничтоженія обители своея понесше / и закланіе мечем разбойным, яко агнцы незлобвию, безропотне восприемше, / воинству безумному укореніе бысте / и сонму страстотерпец Христовых совокупистесь, / страдальцы преподобнии Іоно и Германе, / темже по кончине убожаетесь, // молящесь спастися всем творящим святую память вашу.

Кровь ваша честная, преблаженнии, истекши, вся освяти, / еже быти во спасеніе, даже до послѣдних земли полнощныя. / Приимет земля честная телеса ваша, богоноснии, / небо же – души, многою кровію измытии, / тем веселитесь, отцы святіи, со Ангелы, / Господеви трисвятую песнь поюще: // Свят, Свят, Свят еси, Боже, Богородицею помилуй нас.

### Слава, глас 1:

Преподобнии мченицы Іоно и Германе, / стары бысте вельми, заматеревше во днѣх своих, / подвигом добрым во обители Печенжстей просиявше, теченіе скончаште, веру соблюдоште, / от сечива и меча язвени бысте / и в пламени огня души своя Владыце Христу предасте, / Емуже ныне предстояще, // молитесь спастися душам нашим.

### И ныне, Богородичен, глас тойже:

Огнь Божества во утробе неопальне вместивши, / Кивот благодати священнейшей явилася еси, Дево Пречистая, / темже пламенем Духа Божественнаго возжигаше сердце верных / и вечнующему вражю пламени сих неприкосновенных твориши. / Возсияй, Богомати, и в нас любви Божія немерцающий свет, / от борющихся враг ограждаючи, // и огнедышация пропасти адовы избави души наша.

### Славословіе великое и отпуст

## НА ЛИТУРГИИ

Блаженны от канона, песни 3-я и 6-я.

**Прокимен, глас 4:** Святым, иже суть на земли Его, / удиви Господь вся хотения Своя в них. **Стих:** Предзрех Господа предо мною выину, / яко одесную менесть, да не подвижуся. **Апостол к Римляном, зачало 99.** Аллилуиа, **глас 4:** Возваша праведнии, и Господь услыша их, / и от всех скорбей их избави их. **Стих:** Многи скорби праведным, / и от всех их избавит я Господь. **Евангелие от Луки, зачало 36.** **Причастен:** Радуйтесь праведнии о Господе, / правым подобает похвала.

## ЯКЯФИСТ

святым преподобномученикам  
Ионе и Герману Печенгским.

### Кондак 1

**И**збранную двоицу священную, / Христу спострадавшую даже до крове, / Иону богомудраго и Германа всечестнаго, / в песнях, вернии, почтим духовных / и, яко молитвами сих от бед избавляеми, / благодарственно вопием, зовуще: /

Радуйтесь, преподобномученицы Ионо и Германе, // Печенжския обители похвало и утверждение.

### Икос 1

**Ч**ини Ангельстии прияша вы, яко сликовники, / достохвальнии мученицы Печенжстии, / егда по страдании своем Престолу Господню предстае, / во еже со всеми, кровию Агнца Божия запечатленными, / славити Седящаго на Престоле. / Мы же, брениии, на земли, / зряще таковую ревность вашу по Боже, / восхваляем вас сице:

Радуйтесь, Христа взыскателие честнии;

Радуйтесь, земнии ангели и человецы небеснии.

Радуйтесь, во трудех духовных в пустынях подвизавшиися;

Ра́дуйтеся, бу́ри океа́на хла́дна не убо́явшиися.  
Ра́дуйтеся, бде́нием неуста́нным плоть умертви́вшии;  
Ра́дуйтеся, в по́двизех дневных и но́чных течéние соверши́вши.  
Ра́дуйтеся, наро́д лопарский в ве́ре наста́вившии;  
Ра́дуйтеся, сме́ртию кра́сною Христо́ви спогрѣ́бшиися.  
Ра́дуйтеся, преподобномученицы Ио́но и Ге́рмане, // Печенжския обители похвало́ и утвержде́ние.

## Конда́к 2

**П**риидите вси, о, ве́рное ста́до Христо́во, / духо́вно соше́дшеся, / днесь восхва́лим благочести́ваго вку́пе и мона́шескаго ко́рене святу́ю о́трасль, / дивнаго ста́рца Ио́ну с до́блím сомоли́твенником Ге́рманом, / Христа́ до сме́рти возлюбившия, / и Сего́ ра́ди вра́жее непра́ведное заколе́ние и огонь язвѣ́щий претерпе́вшия, / и Христу́ моля́щися всегда́ спасти́ся душа́м на́шим, / и навча́ющия нас взыва́ти Бо́гу: // Аллилу́ия.

## И́кос 2

**П**о́двигом ино́ческим до́бре подвиза́стесь, сла́внии Ио́но и Ге́рмане, / воспита́ни бы́сте во обители при но́гу Трифо́нову, / его́же труды́ и моли́твами цвѣ́том благоче́стия пусты́ня лопарская процветѣ́, / и, досто́йно зва́нию ходивше, / преподо́бия же о́браз чи́сте сохрани́вше, / па́че по́двиг страсотерпчества во времена́ тяжкая́ му́жественне подъя́ли есте́ / и му́ченичества красото́ю све́тло просия́ли есте́. / Сего́ ра́ди ублажа́ем вы, зову́ще:

Ра́дуйтеся, в трудѣ́х от ю́ности воспита́ннии;  
Ра́дуйтеся, а́гницы непоро́чныя, за Христа́ заклáнныя.  
Ра́дуйтеся, Феодорита́ и Трифо́на усер́днии сорабо́тницы;  
Ра́дуйтеся, ино́ков Печенжских неленно́стнии сомоли́твенницы.  
Ра́дуйтеся, предста́тели страны́ се́верныя себе́ явившии;  
Ра́дуйтеся, во́льную нищету́ смире́нно возлюбившии.  
Ра́дуйтеся, обители́ благопло́дныя основа́телие;  
Ра́дуйтеся, новонача́льных иску́снии руководи́телие.  
Ра́дуйтеся, преподобномученицы Ио́но и Ге́рмане, // Печенжския обители похвало́ и утвержде́ние.

### Кондак 3

**Н**аставницы братии в заветех иноческих явились есте, / святии мученицы Печенжстии, / и стезею пустынножительства вкупе со просвещением шествовали есте. / Людие страны Полнощныя, вашею проповедию наученнии, / Истиннаго Бога познаша / и Тому Единому пети навыкоша: // Аллилуия.

### Икос 3

**И**муще твердую веру в сердцах своих, / небоязненно отыдоште, богоноснии, в пустыни лопарския / и доброе их прозябение явились есте, / духовным вашим учителем Феодориту и Трифону последуя; / и по мале времени людие, во тьме и сени смертней сидящи, / светом Евангелия озаришася, / сего ради воспоем сих отцев богомудрых:

Радуйтесь, языков полунощных просветителие;

Радуйтесь, апостолов Христовых подражателие.

Радуйтесь, на ниве неоранней Господни работницы;

Радуйтесь, предивнии отшельницы и молчальницы.

Радуйтесь, во последних земли славу Божию возвестившии;

Радуйтесь, идольския прелести дерзновенно обличившии.

Радуйтесь, в людех диких и тяжцех Господа воспевшии;

Радуйтесь, из язычества народы лопския ко Христу возведшии.

Радуйтесь, преподобномученицы Ионо и Германе, // Печенжския обители похвало и утверждение.

### Кондак 4

**Б**урю злобы неистовья, поругания и запаления обители своей понесше / и заклание мечем, яко агнцы незлобивии, безропотне восприемше, / разбоищу безумному укорение были есте, Богоноснии, / заклания благоуханием исполнивше небесная / и сердечное око к Богу вперивше, / воспевали Ему есте: // Аллилуиа.

### Икос 4

**В**идевше ярости мнози и пристрашья свирепа воинства вражия, / без страха приясте сие кротце, / меч духовный, молитву, во оружие изострили есте, / злоначальнаго змия до конца

уби́сте / и венѣц мучѣния прия́сте: / мы же, крѳтости и упова́нию  
святы́х дивя́щися, / воспоѣм им та́ко:

**Ра́дуйтеся**, я́ко му́кою озлобля́вшим вас не протѣвистеся;

**Ра́дуйтеся**, венце́в неувяда́емых Христа́ сподо́бившиися.

**Ра́дуйтеся**, равноа́нгельныя крѳтости воплоще́ние;

**Ра́дуйтеся**, ве́лия ве́ры Христо́вы исправле́ние.

**Ра́дуйтеся**, в незло́бии пред Го́сподем ходи́вшии;

**Ра́дуйтеся**, ра́дость о Ду́се Свя́те сохрани́вшии.

**Ра́дуйтеся**, страда́ния и му́ки в торже́ство ве́ры обрати́вшии;

**Ра́дуйтеся**, зе́млю Пе́ченжскую кро́вьми ва́шими напои́вшии.

**Ра́дуйтеся**, преподо́бномученицы Ио́но и Ге́рмане, // Пе́ченж-  
ския оби́тели похвало́ и утвержде́ние.

### Конда́к 5

**Б**оготѣчныя звѣзды яви́стися, святы́и, / вре́менных и тле́ющих  
наслажде́ний небрегѳте, / и пусты́нное в безмо́лвии жити́е  
возлюбѣсте, / ми́ра красoty и пи́щи вре́менная возненави́дев-  
ше, / и отсю́ду сподо́бистеся му́ченическому и преподо́бниче-  
скому сочѣта́тися ли́ку: / с ни́миже моли́те спасти́ рабы́ ва́ша, /  
пою́щия и превознося́щия Го́спода во вся ве́ки: // Аллилу́ия.

### И́кос 5

**Б**лагодарно́ю душе́ю сла́вяще Творца́ и Бо́га, / преподо́бным и  
му́чеником Христо́вым приобщѣ́лися есте́, Ио́но и Ге́рмане. /  
Сердцевѣ́дец же Го́сподь мучени́ческаго ра́ди кончи́ны / венцы́  
светосия́нными украсѣ́ вас. / Те́мже по испове́дании до́брем со  
святы́ми Земли́ Ко́льския / в вертогра́де Небе́снем ликовству́ю-  
ще, / моли́теся ко Го́споду / о умилѣ́нно вопи́ющих такова́я:

**Ра́дуйтеся**, преподо́бных похвало́ и му́чеников украсѣ́ние;

**Ра́дуйтеся**, звѣзды путево́дящия в небе́сная селѣ́ния.

**Ра́дуйтеся**, я́ко к зва́нным на бра́чную ве́черю А́гнца сопричѣ́-  
ны есте́;

**Ра́дуйтеся**, я́ко та́мо воспѣ́ти Го́сподеви песнь но́ву сподо́би-  
лися есте́.

**Ра́дуйтеся**, ве́ры Христо́вы усѣрднии насади́телие;

**Ра́дуйтеся**, непреста́ннаго воздержа́ния ве́рнии храни́телие.

**Ра́дуйтеся**, а́гнцы, Христу́ себе́ в же́ртву принѣсшии;

**Ра́дуйтеся**, во упова́нии на Го́спода николи́же изнемо́гшии.

**Ра́дуйтеся**, преподо́бномученицы Ио́но и Ге́рмане, // Пе́ченж-  
ския оби́тели похвало́ и утвержде́ние.

## Кондак 6

**И**зувѣдали ясно, мѹдрии, / яко неиспытани сѹдове Господни / и неизслѣдовани путиѣ Его: / все упованіе на Бога всецѣло возложили есте, преподобнии, / и, со смиреніем и кротостію праведное Его грядѹщее попущеніе восприимше, / вѣрность Владыце и званію Вышнему достойно сохранили есте, / бодрственно Ему воспевающе: // Аллилуія.

## Икос 6

**В**озсия над вами свет неизреченныя славы небесныя, / победоноснии старцы севернии, / в священнѹю брань доблествовавшии, / и венец драгій от Господа радостно приявшии, / и песни невещественных Серафимъ подражающе, / и с Херувимами Бога славословящии; / соделавшиися храмы Святаго Дѹха / и таин высококаго Божія разума самозрителіе, / Христа упросите низпослати нам велию милость, / чтѹщим вас сице:

Радуйтеся, яко благоуханія честнаго Церковь исполните;

Радуйтеся, злосрадіе вражіе далече отгналі есте.

Радуйтеся, демонов древних дерзновенное поражение;

Радуйтеся, обители ваша слава и утверждение.

Радуйтеся, лютым мученіем в радость вечную вшедшии;

Радуйтеся, непоколебимии столпи послушанія, вся претерпевшии.

Радуйтеся, мучеников добропобѣдных лику сопречтеннии;

Радуйтеся, дивнии мученицы, в вискон бел и чист оболченнии.

Радуйтеся, преподобномученицы Ионо и Германе, // Печенжскія обители похвало и утверждение.

## Кондак 7

**В**се естество Ангельское возрадовася зело, / видя, яко собор Печенжскихъ страдальцевъ привелі есте за собою ко Христу, / святіи мученицы Ионо и Германе, / вѣрный путь спасенія указѹя братіи, / поущая безбоязненно терпѣти мученія беззаконниковъ / и взывати к Богу: // Аллилуія.

## И́кос 7

**С**тенá необоримáя и заступлѣние крѣпчее / обитѣли своѣй в  
годину бед и скорби явились есте, / богомудрии угодницы  
Ионо и Германе, / и прибежище всем, с верою призывающим вас  
на помощь / во всяких напастех и злообстояниях. / Дерзнове-  
ние бо велие имуще, старцы святии, / у Христа Бога испросите  
милости и спасения / вопиющим вам таковая:

Радуйтесь, на Начальника веры и Совершителя Иисуса взир-  
авшии;

Радуйтесь, в терпении велием души ваша стяжавшии.

Радуйтесь, зарею Трисолнечнаго Света озареннии;

Радуйтесь, мучеников добропобедных лику сопричтеннии.

Радуйтесь, тщету и прелесть мира сего презревшии;

Радуйтесь, на предлежащий вам подвиг добре востекшии.

Радуйтесь, яко отверзошася вам Врата Небесная;

Радуйтесь, земли северныя хранитилие известнии.

Радуйтесь, преподобномученицы Ионо и Германе, // Печенж-  
ския обитѣли похвало и утверждение.

## Конда́к 8

**Ч**ашу испытаний мужественне приявше, / венцы нетленными  
украшились есте в Чертозе Небеснем, / преблаженнии Ионо  
и Германе. / Темже не забудьте обитѣли ваша Печенжския, / да  
всякое благочестие и чистота во веки с нею пребывают, / и нас  
поминайте, благодарным сердцем вас величающих / и к Богу во-  
пиющих: // Аллилу́ия.

## И́кос 8

**П**оюще добродетельное житие, / похвалим днесь преподоб-  
нострадальцев двоицу присноблаженную, / твердыя ада-  
манты, от еретиков разбойца смерть неправедную претерпев-  
шия: / пастырю изряднейший, старче досточудный Ионо / и  
иноче божественный Германе, / со всеми иными Печенжскими  
страдальцы: / не возгнушайтесь нас, грешных и недостойных, /  
зовущих к вам:

Радуйтесь, ночь жития земнаго добре прешедшии;

Радуйтесь, дне не вечерняго – Царства Христова – достигшии.

Радуйтесь, яко злато, в горниле мучений очищеннии;

Радуйтесь, сонму мученик Печенжских сочисленнии.

Ра́дуйтеся, дѣвнѣя двѡице, вѣрнии друзи Христовы;  
Ра́дуйтеся, побѡрницы от врагов, нас пожрѣти готовых.  
Ра́дуйтеся, венцы побѣдныя от Христа прѣявши;  
Ра́дуйтеся, ныне со лики мучеников возсиявши.  
Ра́дуйтеся, преподобномученицы Ионо и Германе, // Печенж-  
ския обители похвало и утверждение.

### Конда́к 9

**Н**аставницы монахов и предстаители премудрыя вас стяжа-  
хом, / хранителие благомошнии святых обителей и храмов  
северных, / темже светло совершаем память вашу благознаме-  
нитую, / песньми вас почитающе: / вы бо, Господа прославль-  
ше, / ныне достойно со Ангелы и всеми святыми / зовѣте Святей  
Троице: // Аллилу́ия.

### И́кос 9

**И**стѣкши, преблаженнии, кровь ваша честная вся освяти, / еже  
быти во спасение, даже до последних земли Полунощныя. /  
Прѣяше бо земля честная телеса ваша, Богоноснии, / небо же  
взимаше души, кровью измытыя, / тем веселитесь, отцы святѣи,  
со Господем / и молитесь о нас, / подвиги ваша чудныя восхва-  
ляюще сице:

Ра́дуйтеся, мечѣм злобующих смѣрть мученическую воспри-  
явши;

Ра́дуйтеся, в терпении вашем души ваша стяжавши;

Ра́дуйтеся, яко светом Небесным в мучениих своих просвети-  
лися есте;

Ра́дуйтеся, яко в вышних чертозех со Ангелы вселилися есте.

Ра́дуйтеся, красотѡ звезд, светящихся на высоких Господних;

Ра́дуйтеся, славо и веселие пределов земли последних.

Ра́дуйтеся, яко вашими ко Христу ходатайствы верных спасаете;

Ра́дуйтеся, яко о душах наших Ему непрестанно взываете.

Ра́дуйтеся, преподобномученицы Ионо и Германе, // Печенж-  
ския обители похвало и утверждение.

### Конда́к 10

**С**пасению нашему ходатаи молим вас быти, святѣи преподоб-  
номученицы, / добре страдавши и венчавшиися, / темже и  
Христос преславно венцы от Престола славы Своея страдальцы

венча. / Со Ангелы Тому ныне предстояще, / о нас молитесь, / да избавльшися от суетныя работы вражия, / благодарственно вопием Богу: // Аллилуия.

### Икос 10

**Н**естерпимому огню соединившися телесне, / души, пламенем любви Божественныя объята, / в руке Господа предали есте, страстотерпцы, / смертью страдальческою от земли отшедше, / присно живи обретаетеся во Царствии Небеснем, / за Христа претерпением велие дерзновение у Него снискавше, / молитесь ныне о чтущих память вашу верно / и в бедах много-различных и напастех осеняйте надежно, / поющих вам сице:

Радуйтесь, Церкви Христовы столпи непоколебимии;

Радуйтесь, кротири златии, фимиама благодати исполненнии.

Радуйтесь, веры христианския ограждение твердое;

Радуйтесь, присно творивши Богу угодное.

Радуйтесь, мучения и раны смертныя претерпевшии;

Радуйтесь, Горних чертогов достигнути возжелевшии.

Радуйтесь, сумраки мыслей от нас прогоняющи;

Радуйтесь, светом Божественным нас осиявающим.

Радуйтесь, преподобномученицы Ионо и Германе, // Печенжския обители похвало и утверждение.

### Кондак 11

**М**еч язвещь и пламень огненный прошедше, преподобномученицы, / вечнаго покоя сладость обрели есте / и, подвиг во Христе жительства мужественне совершивше, / праведною кровию блаженство райское снискали есте. / Молим вас, святии: / молитесь за ны ко Господу, / поприще жития нашего нам достойно пройти, / стрел вражиих избегнути / и вечныя погубели избавитися, / благодарно поюще Богу: // Аллилуия.

### Икос 11

**С**ветом невещественным облистаети, / в селениях святых водворяеми / и радости неизреченныя исполняеми, / ликуете ныне со Ангелы светло, / преподобномученицы Господни Ионо и Германе, / нас же, песненными венцы вас величающих / и память вашу днесь светло празднующих, / помяните и защитите, мраком суетствий покрываемых, / злобою мира сего озло-

бляемых / и еди́ну то́кмо отра́ду иму́щих, / е́же к ва́м прибега́ти  
и си́це воспева́ти:

**Ра́дуйте**ся, со́нму Ко́льских му́ченик сопричтённии;

**Ра́дуйте**ся, в ра́дость Го́спода на небеси́ возведённии.

**Ра́дуйте**ся, звёзды, блиста́ния терпе́ния испу́щающи;

**Ра́дуйте**ся, ге́ммы драгоце́ннии, благода́тию сия́ющи.

**Ра́дуйте**ся, свети́ла ве́ры, немощных ду́ши укрепивши;

**Ра́дуйте**ся, беззако́нных мучи́телей му́жеством удиви́вши.

**Ра́дуйте**ся, по стопа́м добродете́лей отца́ своего́ духо́внаго  
ше́дшии;

**Ра́дуйте**ся, вку́пе с ним в ра́дость Го́спода вше́дшии.

**Ра́дуйте**ся, преподо́бномученицы Ио́но и Ге́рмане, // Пе́ченж-  
ския оби́тели похва́ло и утвержде́ние.

### Конда́к 12

**С**вященносло́вием прииди́те, священни́и отцы́, ста́рцы препо-  
до́бнии, / имже и мы благода́рно прирце́м: / я́ко дерзнове́ние  
иму́ще ко Христу́, вас Просла́вльшему, / не преста́йте, святии, мо-  
ли́тиса о Земли́ Се́верней, / в нейже по́стническая по́двиги ва́ша  
и муче́ния по́прище соверши́сте, / сего́ ра́ди со все́ми святы́ми  
Ко́льскими Престо́лу Бо́жию предстои́те, / вы́ну зову́ще: // Алли-  
лу́ия.

### И́кос 12

**П**репо́добным отце́м Се́верных Фиваи́д поревнова́вше, / в пу-  
сты́нях лopáрских и в верте́пах земных в препо́добии по-  
жи́вше, / я́ко прехва́льнии ва́ши труды́, святии му́ченицы Ио́но  
и Ге́рмане, / соприча́стницы Собору́ святы́х Земли́ Ко́льския яви́-  
стеся / и Це́рковь Ру́сскую кровью́ свои́ми све́тло украси́сте, /  
ко Христу́ побе́дно отше́дше, / Ему́же ны́не предстоя́ще, / не за-  
бу́дите зову́щих к вам си́це:

**Ра́дуйте**ся, Христа́ Влады́ки во́ини изрядни́и;

**Ра́дуйте**ся, венцы́ страда́льческими до́бре венча́ннии.

**Ра́дуйте**ся, ка́мение многоце́ннии в сокрови́ще Земли́ Ко́ль-  
ския;

**Ра́дуйте**ся, я́ко отверзо́шася вам тесны́я врата́ Ра́йския.

**Ра́дуйте**ся, ку́бки, благода́ти Христо́вой преиспо́лненнии;

**Ра́дуйте**ся, страны́ нашея́ Полно́щныя свети́льники о́гненнии.

**Ра́дуйте**ся, краю́ нашему́ кре́пции побо́рницы на враги́;

**Ра́дуйте**ся, я́ко Христо́с бысть вам сто́лп кре́пости благи́й.

Ра́дуйтеся, преподобномученицы Ио́но и Ге́рмане, // Пе́ченж-  
ския обители похвало́ и утвержде́ние.

### Конда́к 13

**О**, пресла́вная преподобномученик дво́ице Ио́но и Ге́рмане, /  
самобра́тное едине́ние, Тро́ице Святе́й честное́ похвалё-  
ние! / Ны́нешнее прии́мше на́ше пе́ние, моли́те Го́спода за ны, /  
да изба́вит нас от всяких бед и скорбе́й, / дарова́в нам до конца́  
пребыва́ние во Святе́й Це́ркви Свое́й, / да сподо́бит по кончи́не  
и последнем Суде́ с ва́ми / и со все́ми святы́ми воспева́ти Бо́гу: //  
Аллилу́ия.

Э́тот Конда́к чита́ется три́жды, зате́м И́кос 1 и Конда́к 1.

### И́кос 1

**Ч**и́ни А́нгельстии прия́ша вы, я́ко слико́вники, / достохва́ль-  
нии му́ченицы Пе́ченжстии, / егда́ по страда́нии своём Пре-  
сто́лу Госпо́дню предста́те, / во е́же со все́ми, кро́вию А́гнца  
Бо́жия запечатле́нными, / сла́вити Седя́щаго на Престо́ле. / Мы  
же, брэннии, на земли́, / зря́ще такую́ю ре́вность ва́шу по Бо́зе, /  
восхваля́ем ва́с си́це:

Ра́дуйтеся, Христа́ взыска́телие че́стнии;

Ра́дуйтеся, земнии а́нгели и челове́цы небеснии.

Ра́дуйтеся, во трудех духо́вных в пусты́нях подвиза́вшиися;

Ра́дуйтеся, бу́ри океа́на хла́дна не убоя́вшиися.

Ра́дуйтеся, бде́нием неуста́нным плоть умертви́вшии;

Ра́дуйтеся, в подвизех дневных и но́чных тече́ние соверши́вшии.

Ра́дуйтеся, наро́д лопарский в ве́ре наста́вившии;

Ра́дуйтеся, сме́ртию красною Христо́ви спогре́бшиися.

Ра́дуйтеся, преподобномученицы Ио́но и Ге́рмане, // Пе́ченж-  
ския обители похвало́ и утвержде́ние.

### Конда́к 1

**И**збра́нную дво́ицу священную, / Христу́ спострада́вшую да́же  
до кро́ве, / Ио́ну богому́драго и Ге́рмана всечестна́го, / в пе́с-  
нех, ве́рнии, почти́м духо́вных / и, я́ко моли́твами сих от бед из-  
бавля́еми, / благода́рственно вопие́м, зову́ще: /

Ра́дуйтеся, преподобномученицы Ио́но и Ге́рмане, // Пе́ченж-  
ския обители похвало́ и утвержде́ние.

# ЖИЗНЬ

## святым преподобномученикам Ионе и Герману Печенгским

**О**, досточудная двоице отец преподобных, мучеников Печенжских, богомудре Ионо, пастырю добрый, и верный его помощник Германе!

**Вы** невозвратно Христу последовали есте и, апостолом земли Кольския Феодориту и Трифону подобящися, свет языком, невѣдущим Бога, даже до последних земли проповѣдали есте и от тьмы к свету богоразумия вся наставили есте.

**Вы**, благонаравием и твердою верою благодать у Бога снискавше, иноком образ истиннаго служения явили есте, наставляюще их в путех праведных неуклонно ходити.

**Силою** Божиею и великою любовью вашею нестроения в житии братством укрощающе, преподобному отцу нашему Трифону вернии его помощники явились есте, в мире и благочестии святую обитель Печенжскую до конца соблюдали есте.

**Егда** же прииде час испытаний лютых, и мрак всезлобнаго разбойца найде на святое место сие, вы страха ношнаго не убоястесь, ни меча разящаго, ни стрелы, летящая во тьме, ни брани, обнощь преходящая, но в молитве светло просияете, и кровь и плоть свою в жертву Господеви принесосте, и кончину мученическую прияете, и в радость вечную Царствия Небеснаго невозбранно вселистесь.

**Темже** молим вас, угодницы Христовы: сохраните нашу землю Кольскую, церкви и обители ея неврежденны от враг видимых и невидимых, нам же помозите подвигом добрым подвизатися и дни своя на земли в мире и покаянии скончати, да сподобимся наследники быти Царствия Небеснаго, идеже вкупе с вами достойни явимся прославляти в Троице славимаго Бога, Отца, и Сына, и Святаго Духа.

**Аминь.**

### Величание:

**У**блажаем вас, / преподобномученицы Ионо и Германе, / и чтим святую память вашу, / наставницы монахов // и собеседницы Ангелов.

ЯКЪФИСТЪ И СЛУЖБА  
ПРЕПОДОБНОМУЧЕНИКАМЪ  
ИОНЪ И ГЕРМЯНУ ПЕЧЕНГСКИМЪ

Корректор – Анастасия Бочарова  
Прориси икон – Инна Куксенко  
Дизайн и оригинал-макет – Ольга Колчина

В электронном виде издание размещено  
на официальном сайте Мурманской епархии:  
<http://mmparh.cerkov.ru>  
в разделе «Книги митрополита Митрофана».

Сделать заказ можно:

- по электронной почте: [eparhia\\_murmansk@mail.ru](mailto:eparhia_murmansk@mail.ru);
- по телефонам: +7-960 028 6677,  
+7(8152) 25-97-61 или +7(8152) 25-53-38;
- на почтовый адрес: 183010, Мурманск, ул. Зеленая, 11.

Издательство Мурманской епархии  
Мурманская митрополия  
Русской Православной Церкви (Московский Патриархат)

ББК 86.372.24-50

Подписано в печать 10.08.2023  
Формат 70 x 100 1/8. Тираж 300 экз.

Отпечатано в ООО «Типография «НП-Принт»  
197110, Санкт-Петербург, Чкаловский пр., 15, тел. +7 (812) 325-22-97



Мурманская епархия